



Republika e Kosovës
Republika Kosovo – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

OSHP: 2023/0606

Paneli Shqyrtues, i emëruar nga Kryetarja e OSHP-së, në bazë të nenit 105, 106, dhe 117 të Ligjit për Prokurim Publik të Republikës së Kosovës (Ligji nr. 04/L-042, i plotësuar dhe ndryshuar me Ligjin 04/L-237, Ligjin 05/L-068, i plotësuar dhe Ligjin 05/L-092) në përbërjen nga Vedat Poterqoi- Kryetar, Agon Ramadani - Anëtar dhe Vjosa Gradinaj Mexhuani - Anëtare, duke vendosur sipas ankesës së OE Pro & Co Group SH.P.K., kundër Vendimin për dhënie të një kontratë ose të një konkursi të projektimit lidhur me aktivitetin e prokurimit “Ndërtimi i objektit të Gjykatës Themelore në Prizren- Faza e Parë” me numër të prokurimit 328-23-6245-5-1-1, iniciuar nga autoriteti kontraktues (AK) – Këshilli Gjyqësor i Kosovës, më 11/09/2023, mori këtë:

Vendim

- Aprovohet pajtimi i palëve**, për ankesën e EO name me nr. 2023/0606 , e datës 22/08/2023, lidhur me aktivitetin e prokurimit “Ndërtimi i objektit të Gjykatës Themelore në Prizren- Faza e Parë”, me numër të prokurimit 328-23-6245-5-1-1, iniciuar nga autoriteti kontraktues (AK) – Këshilli Gjyqësor i Kosovës.
- Obligohet**, AK – Këshilli Gjyqësor i Kosovës që aktivitetin e prokurimit “Ndërtimi i objektit të Gjykatës Themelore në Prizren- Faza e Parë”, me numër të prokurimit 328-23-6245-5-1-1, konform raportit të ekspertit shqyrtues me të cilin AK është pajtuar ta **Anulojë**.
- Autoriteti kontraktues në afat prej 10 ditësh ta informojë me shkrim Panelin Shqyrtues për të gjitha veprimet e ndërmarra lidhur me këtë aktivitet të prokurimit, në harmoni me paragrafët specifik të dispozitivit të këtij Vendimi;
- Në rast të mosrespektimit të këtij Vendimi, Paneli Shqyrtues ka të drejtë që të ndërmarrë masa sikurse parashihen ato në nenin 131 të Ligjit për Prokurim Publik të nr. 04/L-042, i plotësuar dhe ndryshuar me Ligjin 04/L-237, Ligjin 05/L-068, i plotësuar dhe Ligjin 05/L-092;
- Me qenë se OE ankues është pajtuar me anulim të aktivitetit të prokurimit dhe sipas raportit të ekspertit shqyrtues ankesa aprovohet si e bazuar, i bëhet kthimi i tarifës së ankesës në shumën e deponuar me rastin e parashtrimit të ankesës.
- Në përputhje me nenin 31 pika 4, të Rregullores së Punës së OSHP-së, operatorit ekonomik ankues i kthehet tarifa e ankesës në shumën e deponuar me rastin e parashtrimit të ankesës. OE ankues obligohet që konform nenit 31 pika 6 të Rregullores së Punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën i bëhet konfiskimi i depozitës, dhe këto mjete kalojnë në Buxhetin e Republikës së Kosovës.

Arsyetim

Me 20.06.2023, Këshilli Gjyqësor i Kosovës në cilësinë e Autoritetit Kontraktues, ka publikuar Njoftimin për Kontratë (NJK) dhe dosjen e tenderit (DT), për aktivitetin e prokurimit “Ndertimi i objektit të Gjykatës Themelore në Prizren – Faza e Parë”, evidentuar me numër të prokurimit: 328-23-6245-5-1-1.

Me 10.08.2023, AK (me të dhëna si më sipër, ka publikuar njoftimin përkitazi me vendimin e tij/sajë për OE të rekomandim të dhënies së kontratës (GOE“EBK”SH.P.K.”UNIQUE”SH.P.K.”PRO ARK CONSTRUCTION”SH.P.K.”BUJAR GODENI”SH.P.K.”), lidhur me aktivitetin e prokurimit, i përshkruar si në paragrafin paraparak të këtij arsyetimi.

Me 14.08.2023, OE “Pro&Co Group SH.P.K. & Floring SH.P.K. & Shkëmbi-Gllareve SH.P.K.” nga cilësia e tij/sajë si palë e pakënaqur me vendimin e cituar ka parashtruar kërkesë për rishqyrtim, e cila është refuzuar me Vendimin e AK të datës 14. 08.2023. Kurse, me 22.08.2023, “Pro&Co Group SH.P.K. & Floring SH.P.K. & Shkëmbi-Gllareve SH.P.K.” ka ushtruar ankesë në OSHP, kundër vendimit të cituar si më sipër të AK, e cila është evidentuar me numër të protokollit 606/23.

Me rastin e shqyrtimit paraparak, Paneli Shqyrtues konstatoi se, ankesa në rastin konkret, është ushtruar në pajtim me nenin 109.1, të LPP, sipas të cilit kundër çdo vendimi të marrë nga AK, çdo palë e interesuar mund të parashtrojë ankesë në OSHP pas udhëheqjes së një procedure paraprake për zgjidhje të mosmarrëveshjes në përputhje me nenin 108/A të këtij ligji. Meqë parashtruesi e ka statusin e palës së interesuar në kuptim të nenit 4, paragrafi 1.26, kurse po ashtu ankesa përmban elementet qenësore të parapara me nenin 111, të Ligjit të cituar do të thotë se e njëjta i plotëson kushtet e parapara në kuptim të dispozitave të cituara dhe bije nën kompetencat e këtij organi në kuptim të nenit 105, të LPP.

Bazuar në veprimet e përshkruara si më sipër, OSHP ka angazhuar ekspertin vlerësues në pajtim me nenin 111, paragrafi 5 të LPP, me detyrë që i njëjti në kuptim të nenit 113 të Ligjit të cituar, ta bëjë shqyrtimin fillestar të dosjes dhe pretendimeve ankimore, përkitazi me aktivitetin e prokurimit të përshkruar si më sipër. Lidhur me këtë, me 05.09.2023, eksperti shqyrtues ka dorëzuar Raportin e vlerësimit me rekomandimet si në vijim:

Ankesa të aprovohet si e bazuar;

Të anulohet Vendimi i atakuar i AK dhe lënda të kthehet në rivlerësim;

Konstatohet paraprakisht se, raporti i ekspertizës i përmban elementet qenësore sikurse kërkohet me nenin 113, paragrafi 3 të LPP dhe i njëjti është pranuar nga të dyja palët, konform nenit 115 të LPP lidhur me nenin 20 të Rregullores së cituar. Në këtë rast evidentohet se të dyja palët (AK dhe OE) janë në dijeni lidhur me shkresat komplete të kësaj lënde sikurse kërkohet në pajtim me paragrafin 2, të nenit 20 të Rregullores për Punën e OSHP dhe se të dyja palët kanë deklaruar formalisht sikurse AK po ashtu edhe Ankuesi janë pajtuar me raportin e cituar si më sipër.

Bazuar në të lartcekurat, Paneli konsideron se procedura e shqyrtimit përfundon në këtë fazë me supozimin se është tërhequr nga ankesa, në kuptim të pajtimit (marrëveshjes) së arritur të palëve dhe rrjedhimisht e njëjta ka humbur pretendimin, respektivisht objektin ankimor sikurse kërkohet shprehimisht me dispozitën e nenit 11, të LPP. Me rastin e shqyrtimit të shkresave të kësaj lënde, natyrës dhe qëllimit të sajë, Paneli shqyrtues konsideron se palët mund ti zgjidhin raportet eventualisht kontestuese mes vete në ato raste kur ato në sajë të legjislacionit, disponojnë lirisht me të drejtat e tyre.

Pajtimi i arritur mes palëve nuk bije nesh me parimet bazë dhe dispozitat e Ligjit për Prokurimin Publik të Republikës së Kosovës dhe nuk e atakon pavarësinë institucionale të AK saj, për të zgjidhur çështjen kontestuese, meqë e lejon natyra e çështjes në rastin konkret, mes tjerash konform nenit 19 paragrafi 4 të Rregullores së Punës së OSHP-së Nr. 01/2020 (e amendamentuar).

Megjithatë, Paneli ju kujton palëve se në kuptim të nenit 19, paragrafi 4, të Rregullores për punën e OSHP parashihet se, *cituar*: “Në rast se autoriteti kontraktues dhe parashtruesi i ankesës pajtohen me raportin e ekspertit shqyrtues, paneli shqyrtues nxjerrë njoftim që autoriteti kontraktues në afat prej 5 ditësh ta implementoj raportin e ekspertit shqyrtues duke i njoftuar palët në procedurë.

Prandaj bazuar shkurtimisht në të lartcekurat, Paneli Shqyrtues në pajtim me nenin 105, 116 dhe 117 të LPP-së vendosi si në dispozitiv të këtij vendimi.



Kryetar i Panelit Shqyrtues
Vedat Poterqoi

Këshillë juridike:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komeriale - Departamentit për çështje Administrative për anulim vendimi në afat prej 30 ditësh nga data e pranimit të vendimit.

Vendimi t'i dorëzohet:

- **AK - Këshilli Gjyqësor i Kosovës**
- **OE - Pro & Co Group SH.P.K.**
- Arkivës së OSHP-së: